

古詩源

(三)

古詩源卷八

長洲沈德潛確士選

晉詩

劉

琨越石英雄失路萬緒悲涼故其詩隨筆傾吐哀音無次讀者烏得於語句間求之

答盧諶

琨頓首損書及詩備酸辛之苦言暢經通之遠旨執玩反覆不能釋手慨然以悲歡然以喜昔在少壯未嘗檢括遠慕老莊之齊物近嘉阮生之放曠怪厚薄何從而生哀樂何由而至自頃

正言流外
一

輒張困於逆亂國破家亡親友彫殘負杖行吟
則百憂俱至塊然獨坐則哀憤兩集時復相與
舉觴對膝破涕爲笑排終身之積慘求數刻之
暫懽譬猶疾疢彌年而欲以一丸消之其可得
乎夫才生於世世實須才和氏之璧焉得獨曜
於郢握夜光之珠何得專玩於隋掌天下之寶
當與天下共之但分析之日不能不悵恨耳然
後知聃周之爲虛誕嗣宗之爲妄作也昔駮驥
倚輈於吳阪長鳴於良樂知與不知也百里奚

愚於虞而智於秦。遇與不遇也。今君遇之矣。曷
之而已。不復屬意於文。二十餘年矣。久廢則無
次想必欲其一反。故稱去聲旨送一篇。適足以彰

來詩之益美耳。琨頓首頓首。

厄運初遘。陽爻在六。乾象棟傾。坤儀舟覆。橫厲糾紛。羣
妖競逐。火燎神州。洪流華域。彼黍離離。彼稷育育。哀我
皇晉。痛心在目。其一天地無心。萬物同塗。禍因莫驗。福善
則虛。逆有全邑。義無完都。英蕊夏落。毒卉冬敷。如彼龜
玉。韞櫝毀諸。芻狗之談。其最得乎。其二咨余軟弱。弗克負

荷

協平韻

愆豐仍彰榮寵屢加威之不建禍延凶播

協平韻

忠隕于國孝愆于家斯罪之積如彼山河斯豐之深終

莫能磨

其三

郁穆舊姻嫵婉新婚裏糧攜弱匍匐星奔未

輟爾駕已隳我門二族偕覆三孽竝根長慙舊孤承負

冤魂

其四

亭亭孤幹獨生無伴綠葉繁縟柔條修罕朝采

爾實夕撝爾竿

協公旦切

竿翠豐尋逸珠盈椀實消我憂憂

急用緩逝將去乎庭虛情滿

其五

虛滿伊何蘭桂移植茂

彼春林瘁此秋棘有鳥翻飛不遑休息匪桐不棲匪竹

不食永戢東羽翰撫西翼我之敬之廢歡輟職

其六

音以

賞奏味以殊珍。文以明言。言以鳴神。之子之往。四美不

臻。澄醪覆觴。絲竹生塵。素卷莫啟。幄無談賓。既孤我德。

又闕我鄰。其七光光段生。出谷遷喬。資忠履信。武烈文昭。

旃弓駢駢。輿馬翹翹。乃奮長縻。是轡是鑣。何以贈子。竭

心公朝。何以敘懷。引領長謠。其八前趙錄劉聰僭卽

破洛陽遣子粲攻長安。陷之。首章指國破。老子云。天

地不仁。以萬物爲芻狗。二章謂天不祚晉。漢書王尊

之子伯爲京兆尹。軟弱不勝。威之不建。二句指爲聰

所敗。而父母遇害。已遭禍而播遷也。三章指家亡。晉

書琨妻卽謀之。從母也。新婚未詳。琨父母爲令狐泥

所害。謀父母爲劉粲所害。故云。二族偕覆。三擊謂琨兄

三子。或謂劉聰。劉曜。劉粲。玩下二句。恐說不去。四章指

途中奔竄。申上章意。五章託喻。已有資於謀。而謀又

將之段匹礪所也。逸珠喻德盈枕多也。○六章喻謙之
段所猶鳳之棲梧桐食竹實而已。如秋棘之痒彌見可
傷。○四美頂上音味文言七章言己之孤特亦申前意
○八章表段之忠信見謙之託身得所望其戮力王室
轉危爲安收束
通篇感激豪宕

重贈盧謙

握中有干壁。本自荆山璆。惟彼太公望。昔在渭濱叟。

平聲

鄧生何感激。千里來相求。白登幸曲逆。鴻門賴畱侯。重
耳任五賢。小白相射鉤。苟能隆二伯。安問黨與讎。中夜
撫枕歎。想與數子遊。吾衰久矣夫。何其不夢周。誰云聖
達節。知命故不憂。宣尼悲獲麟。西狩涕孔邱。功業未及

建夕陽忽西流。時哉不吾與去乎。若雲浮朱實隕勁風。
繁英落素秋。狹路傾華蓋。駟摧雙轡。何意百鍊剛化。
爲繞指柔也。鄧生鄧禹也。二伯桓文也。數子謂太公以下。
告繁辭將訴誰同一反覆申言之意。○拉雜繁會自成絕調。

扶風歌

朝發廣莫門。暮宿丹水山。左手彎繁弱。右手揮龍淵。顧
瞻望宮闕。俯仰御飛軒。據鞍長歎息。淚下如流泉。繫馬
長松下。發鞍高岳頭。烈烈悲風起。泠泠澗水流。揮手長
相謝。哽咽不能言。浮雲爲我結。歸鳥爲我旋。去家日已

遠安知存與亡。慷慨窮林中。抱膝獨摧藏。麋鹿游我前。
猿猴戲我側。資糧既乏盡。薇蕨安可食。攬轡命徒侶。吟
嘯絕巖中。君子道微矣。夫子故有窮。惟昔李騫期。寄在
匈奴庭。忠信反獲罪。漢武不見明。我欲竟此曲。此曲悲
且長。棄置勿重陳。重陳令心傷。悲涼酸楚亦復不知所云

盧 諶

答魏子悌

崇臺非一幹。珍裘非一腋。多士成大業。羣賢濟弘績。遇
蒙時來會。聊齊朝彥跡。顧此腹背羽。愧彼排虛翮。寄身

蔭四岳託好憑三益傾蓋雖終朝大分邁疇昔在危每

同險處安不異易

叶亦

俱涉晉昌艱共更飛狐厄恩由契

關生義隨周旋積豈謂鄉曲譽謬充本州役乖離令我

感悲欣使情惕理以精神通匪曰形骸隔妙詩申篤好

清義賁幽蹟恨無隨侯珠以酬荆文璧

韓詩外傳晉平公遊於河而歎

日安得賢士與之樂此也船人孟胥對曰主君亦不好

士耳何患無士公曰吾食客門左千人右千人何謂不

好士乎對曰鴻鵠一舉千里恃有六翮耳背上之毛腹

下之毳益一把飛不加高損一把飛不加下今君之食

客亦有六翮在其中矣將皆背上之毛腹下之毳耶

晉昌郡名時段匹磾爲此職謹在碑所難斥言之故曰

琨自代飛狐口奔安次

時興詩

疊疊圓象運。悠悠方儀廓。忽忽歲云暮。游原采蕭藿。北
踰芒與河。南臨伊與洛。凝霜霑蔓草。悲風振林薄。撼撼
芳葉零。蕊蕊芬華落。下泉激冽清。曠野增遼索。登高眺
遐荒。極望無崖壑。形變隨時化。神感因物作。澹乎至人
心。恬然存予漠。蕊蕊垂也

謝尚

大道曲

樂府廣題曰尚爲鎮西將軍嘗著紫羅襦據胡牀在市中佛國門樓上彈琵琶

作大道曲市人不知爲三公也

青陽二三月。柳青桃復紅。車馬不相識。音落黃埃中。

寫

雜之況
如見

郭璞

贈溫嶠

人亦有言松竹有林。及爾臭味異。苔同岑。言以忘得交。
以澹成。匪同伊和。惟我與生。爾神余契。我懷子情。攜手

一豁安知塵冥。

異苔同岑句造語新俊。士衡贈馮維熊詩中亦有此意。而語特庸常。

遊仙詩

遊仙詩本有托而言坎壈詠懷其本旨也。鍾嶸貶其少列仙之趣。謬矣。

京華遊俠窟。山林隱遯棲。朱門何足榮。未若託蓬萊。臨

源洄清波。陵岡掇丹萸。靈谿可潛盤。安事登雲梯。漆園有傲吏。萊氏有逸妻。進則保龍見。退爲觸藩羝。高蹈風塵外。長揖謝夷齊。

進謂仕進言。仕進者爲保全身名之計。退則類觸藩之羝。孰若高蹈風塵

從事於遊仙乎

青溪千餘仞。中有一道士。雲生梁棟間。風出窗戶裏。借問此何誰。云是鬼谷子。翹迹企穎陽。臨河思洗耳。聞闔西南來。潛波渙鱗起。靈妃顧我笑。粲然啟玉齒。蹇修時不存。要之將誰使。

闔闔指風言。言風至而波紋生。

翡翠戲蘭苕。容色更相鮮。綠蘿結高林。蒙龍蓋一山中。

有冥寂士。靜嘯撫清絃。放情凌霄外。嚼蕊挹飛泉。赤松
臨上遊。駕鴻乘紫烟。左把浮邱袖。右拍洪崖肩。借問蟬
蜩輩。寧知龜鶴年。

六龍安可頓。運流有代謝。時變感人思。已秋復願夏。淮
海變微禽。吾生獨不化。雖欲騰丹谿。雲螭非我駕。愧無
魯陽德。迴日向三舍。臨川哀年邁。撫心獨悲吒。

逸翮思拂霄。迅足羨遠游。清源無增瀾。安得運吞舟。珪

璋雖特達。明月難闔投。潛穎怨青陽。陵茗哀素秋。悲來

惻丹心。零淚緣纓流。清源不能運吞舟之魚。喻塵俗不
足容乎仙也。言世俗不欲求仙。

而怨天施之偏歎浮生之促類潛穎怨青陽之晚

臻陵君哀素秋之早至也潛穎在幽潛而結穎者

雜縣爰音寓魯門風暖將爲災吞舟涌海底高浪駕蓬萊

神仙排雲出但見金銀臺陵陽挹丹溜容成揮玉杯姮

娥揚妙音洪崖領其頤升降隨長煙飄飄戲九垓奇齡

邁五龍千歲方嬰孩燕昭無靈氣漢武非僊才雜縣卽

○陵陽子明乃仙去者○五龍皇后君也昆弟五人皆人面龍身分治五方○燕昭使人入海求蓬萊方丈瀛

洲○超然而來截

然而止須玩章法

晦朔如循環月盈已復魄葶收清西陸朱羲將由白寒
露拂陵苕女蘿辭松柏薜榮不終朝蜉蝣豈見夕圓邱

有奇草。鍾山出靈液。王孫列八珍。安期鍊五石。長揖當塗人。去來山林客。

十州記曰：北海外有鍾山，自生千歲芝及神草靈液。○王孫列八珍以傷

生安期鍊五石以延壽，謂優劣殊也。抱朴子曰：五石者丹砂、雄黃、白礬、石曾青、磁石也。

曹 昆

夜聽擣衣

寒興御紈素。佳人理衣衾。冬夜清且永。皓月照堂陰。纖手疊輕素。朗杵叩鳴砧。清風流繁節。迴飈灑微吟。嗟此嘉運速。悼彼幽滯心。二物感余懷。豈但聲與音。

二物承上二語

王羲之

蘭亭集詩

不獨序佳詩亦清超越俗寓目理自陳適我無非新非學道有得者不能

言也序爲人人

誦述故不錄

仰視碧天際。俯瞰淥水濱。寥聞無涯觀。寓目理自陳。大矣造化工。萬殊莫不均。羣籟雖參差。適我無非新。

有逸句云

爭先非吾事靜照在忘求附錄於此

陶

潛

淵明以名臣之後際易代之時欲言難言時時寄託不獨詠荆軻一章也六朝第一

流人物其詩有不獨步千古者耶鍾嶸謂其原出於應璩成何議論。清遠閒放是其本色而其中自有一段淵深朴茂不可幾及處唐人土儲韋柳諸公學焉而得其性之所近

停雲四章

停雲思親友也。罇湛新醪。園列初榮。願言不從。

歎息彌襟。

靄靄停雲。濛濛時雨。八表同昏。平路伊阻。靜寄東軒。春
醪獨撫。良朋幽邈。搔首延佇。

停雲靄靄。時雨濛濛。八表同昏。平陸成江。有酒有酒。間
飲東窗。願言懷人。舟車靡從。

東園之樹。枝條再榮。競用新好。以招余情。人亦有言。日
月于征。安得促席。說彼平生。

翩翩飛鳥。息我庭柯。斂翮間止。好聲相和。豈無他人。念

子實多。願言不獲。抱恨如何。

時運四章

時運遊暮春也。春服既成。景物斯和。偶影獨遊。

欣慨交心

邁邁時運。穆穆良朝。襲我春服。薄言東郊。山滌餘靄。宇

曖微霄。有風自南。翼彼新苗。

翼字寫出性情

洋洋平津。乃漱乃濯。邈邈遐景。載欣載矚。稱心而言。人

亦易足。揮茲一觴。陶然自樂。

延目中流。悠悠清沂。童冠齊業。閒詠以歸。我愛其靜。寤

寤交輝。但恨殊世。邈不可追。

斯晨斯夕。言息其廬。花藥分列。林竹翳如。清琴橫牀。濁酒半壺。黃唐莫遠。慨獨在予。

晉人放達。陶公有憂勤語。有安分語。有自任語。黃

農之感。寄意西山。此旨時或流露。

勸農六章

悠悠上古。厥初生人。傲然自足。抱樸含真。智巧既萌。資待靡因。誰其贍之。實賴哲人。

哲人伊何。時惟后稷。贍之伊何。實曰播殖。舜既躬耕。禹亦稼穡。遠若周典。八政始食。

熙熙令音。猗猗原陸。卉木繁榮。和風清穆。紛紛士女。趣時競逐。桑婦宵征。農夫野宿。

氣節易過。和澤難久。冀缺攜儷。沮溺結耦。相彼賢達。猶勤隴畝。矧伊眾庶。曳裾拱手。

民生在勤。勤則不匱。宴安自逸。歲暮奚冀。儻石不儲。飢寒交至。願爾儔列。能不懷愧。

孔耽道德。樊須是鄙。董樂琴書。田園不履。若能超然。投迹高軌。敢不斂衽。敬讚德美。

言能如孔子董相庶可不務隴畝耳勉人意在言外

取領

命子

嗟子寡陋。瞻望弗及。顧慙華鬢。負影隻立。三千之罪。無後爲急。我誠念哉。呱聞爾泣。

卜云嘉日。占亦良時。名汝曰儼。字汝求思。溫恭朝夕。念茲在茲。尙想孔伋。庶其企而。

厲夜生子。遽而求火。凡百有心。奚特於我。旣見其生。實欲其可。人亦有言。斯情無假。古叶

日居月諸。漸免於孩。福不虛至。禍亦易來。夙興夜寐。願爾斯才。爾之不才。亦已焉哉。

酬丁柴桑二章

有客有客爰來爰止。秉直司聰。于惠百里。餐勝如歸。聆

善若始。

可作箴規

匪惟諧也。屢有良由。載言載眺。以寫我憂。放歡一遇。既醉還休。實欣心期。方從我遊。

歸鳥四章

翼翼歸鳥。晨去於林。遠之八表。近憩雲岑。和風不洽。翻翻求心。顧儔相鳴。景庇清陰。

翼翼歸鳥。載翔載飛。雖不懷遊。見林情依。遇雲頡頏。相

鳴而歸。遐路誠悠。性愛無遺。

翼翼歸鳥。馴林徘徊。豈思天路。欣及舊棲。雖無昔侶。眾

聲每諧。日夕氣清。悠然其懷。亦諧眾聲自有曠懷此是何等品格

翼翼歸鳥。戢羽寒條。遊不曠林。宿則森標。晨風清興。好

音時交。矰繳奚施。已卷安勞。他人學三百篇痴而重與風雅日遠此不學三百篇

清而腴與風雅日近

遊斜川

辛丑歲正月五日天氣澄和風物閑美與二三

鄰曲同遊斜川臨長流望層城魴鯉躍鱗於將

夕水鷗乘和以翻飛。彼南阜者名實舊矣。不復
乃爲嗟歎。若夫會城傍無依接。獨秀中皋。遙望
靈山有愛嘉名。欣對不足。率爾賦詩。悲日月之
遂往。悼吾年之不畱。各疏年紀鄉里以記其時

日

開歲條五日。吾生行歸休。念之動中懷。及辰爲茲遊。氣
和天惟澄。班坐依遠流。弱湍馳文魴。閑谷矯鳴鷗。迴澤
散遊目。緬然睇會邱。雖微九重秀。顧瞻無匹儔。提壺接
賓侶。引滿更獻酬。未知從今去。當復如此不。中觴縱遙

情忘彼千載憂。且極今朝樂。明日非所求。

答龐參軍

相知何必舊。傾蓋定前言。有客賞我趣。每每顧林園。談
諧無俗調。所說聖人篇。或有數斗酒。閑飲自歡然。我實
幽居士。無復東西緣。物新人惟舊。弱毫多所宣。情通萬
里外。形迹滯江山。君其愛體素。來會在今年。

五月旦作和戴主簿

虛舟縱逸棹。回復遂無窮。發歲始俯仰。星紀奄將中。南
窗罕悴物。北林榮且豐。神淵瀉時雨。晨色奏景風。既來

孰不去人理固有終居常待其盡曲肱豈傷仲遷化或
夷險肆志無宏隆卽事如己高何必升華嵩

九日閑居

余閑居愛重九之名秋菊盈園而持醪靡由空
服九華寄懷於言

世短意常多斯人樂久生日月依辰至舉俗愛其名露
淒暄風息氣澈天象明往燕無遺影來雁有餘聲酒能
祛百慮菊爲制頽齡如何蓬廬士空視時運傾塵爵恥
虛曩寒華徒自榮斂襟獨閑謠緬焉起深情棲遲固多

娛淹留豈無成

世短意常多卽所云生年不滿百常懷千歲憂也鍊得更簡更道後人得古人

片言便衍作數語

和劉柴桑

山澤久見招胡事乃躊躇直爲親舊故未忍言索居良
辰入奇懷挈杖還西廬荒塗無歸人時時見廢墟茅茨
已就治新疇復應畬谷風轉淒薄春醪解飢劬弱女雖
非男慰情良勝無棲棲世中事歲月共相疎耕織稱其
用過此奚所須去去百年外身名同翳如

弱女非男喻酒之薄也

酬劉柴桑

窮居寡人用時忘四運。周櫛庭多落葉。慨然知己秋。新
葵鬱北牖。嘉穉養南疇。今我不爲樂。知有來歲不。命室
攜童弱。良日登遠遊。

和郭主簿二首

藹藹堂前林。中夏貯清陰。凱風因時來。回飈開我襟。息
交游閑業。臥起弄書琴。園蔬有餘滋。舊穀猶儲今。營已
良有極。過足非所欽。春秫作美酒。酒熟吾自斟。弱子戲
我側。學語未成音。此事真復樂。聊用忘華簪。遙遙望白
雲。懷古一何深。

過足非所欽。與過此奚所須。
知足要言一結。悠然不盡。

和澤周三春。清涼素秋節。露凝無游氛。天高風景澈。陵
岑聳逸峯。遙瞻皆奇絕。芳菊開林耀。青松冠巖列。懷此
貞秀姿。卓爲霜下傑。銜觴念幽人。千載撫爾訣。檢素不
獲展。厭厭竟良月。

贈羊長史

左軍羊長史銜使秦州作此與之

愚生三季後。慨然念黃虞。得知千載外。正賴古人書。賢
聖畱餘跡。事事在中都。豈忘游心目。關河不可踰。九域
甫己一。逝將理舟輿。聞君當先邁。負疴不獲俱。路若經

商山爲我少躊躇。多謝綺與角。精爽今何如。紫芝誰復采。深谷久應蕪。駟馬無賁患。貧賤有交娛。清謠結心曲。人乖運見疎。擁懷累代下。言盡意不舒。

癸卯十二月中作與從弟敬遠

寢跡衡門下。邈與世相絕。顧盼莫誰知。荆扉晝長閉。

必結

切淒淒歲暮風。翳翳經日雪。傾耳無希聲。在目皓已潔。

勁氣侵襟袖。簞飄謝屢設。蕭索空宇中。了無一可悅。歷覽千載書。時時見遺烈。高操非所攀。深得固窮節。平津苟不由。棲遲詎爲拙。寄意一言外。茲契誰能別。

淵明詠雪未嘗

不刻劃卻不似後人枯滯。○愚於漢人得兩語曰前日風雪中故人從此去於晉人得兩語曰傾耳無希聲在目皓已潔於宋人得一語曰明月照積雪爲千古詠雪之式

始作鎮軍參軍經曲阿作

弱齡寄事外。委懷在琴書。被褐欣自得。屢空常晏如。時來苟冥會。宛轡憩通衢。投策命晨裝。暫與園田疎。眇眇孤舟逝。綿綿歸思紆。我行豈不遙。登降千里餘。目倦川途異。心念山澤居。望雲慙高鳥。臨水愧遊魚。真想初在襟。誰謂形迹拘。聊且憑化遷。終返班生廬。

班固幽通賦曰終保己而

貽則止里仁之所廬

辛丑歲七月赴假還江陵夜行塗中作

閑居三十載。遂與塵事冥。詩書敦宿好。林園無俗情。如
何捨此去。遙遙至南荆。叩枻新秋月。臨流別友生。涼風
起將夕。夜景湛虛明。昭昭天宇闊。皛皛川上平。懷役不
遑寐。中宵尙孤征。商歌非吾事。依依在耦耕。投冠旋舊
墟。不爲好爵榮。養真衡茅下。庶以善自名。

桃花源詩

并記

晉太元中武陵人捕魚爲業緣溪行忘路之遠
近忽逢桃花林夾岸數百步中無雜樹芳草鮮

美落英續紛漁人甚異之復前行欲窮其林林
盡水源便得一山山有小口髣髴若有光便捨
船從口入初極狹纔通人復行數十步豁然開
朗土地平曠屋舍儼然有良田美池桑竹之屬
阡陌交通雞犬相聞其中往來種作男女衣著
悉如外人黃髮垂髻並怡然自樂見漁人乃大
驚問所從來具答之便要還家設酒殺雞作食
村中聞有此人咸來問訊自云先世避秦時亂
率妻子邑人來此絕境不復出焉遂與外人間

隔問今是何世乃不知有漢無論魏晉此人一
一爲具言所聞皆歎惋餘人各復延至其家皆
出酒食停數日辭去此中人語云不足爲外人
道也既出得其船便扶向路處處誌之及郡下
詣太守說如此太守卽遣人隨其往尋向所誌
遂迷不復得路南陽劉子驥高尚士也聞之欣
然欲往未果尋病終後遂無問津者

嬴氏配天紀。賢者避其世。黃綺之商山。伊人亦云逝。往
迹浸復湮。來逕遂蕪廢。相命肆農耕。日入從所憩。桑竹

垂餘蔭。菽稷隨時藝。春蠶收長絲。秋熟靡王稅。荒路暖
交通。雞犬互鳴吠。俎豆有古法。衣裳無新製。童孺縱行
歌。斑白歡遊詣。草榮識節和。木衰知風厲。雖無紀厯誌。
四時自成歲。怡然有餘樂。於何勞智慧。奇蹤隱五百。一
朝啟神界。溘薄既異原。旋復還幽蔽。借問游方士。焉測
塵囂外。願言躡輕風。高舉尋吾契。

此卽羲皇之想也。必
辨其有無。殊爲多事。

歸田園居五首

少無適俗韻。性本愛邱山。誤落塵網中。一去三十年。羈
鳥戀舊林。池魚思故淵。開荒南野際。守拙歸園田。方宅

十餘畝。草屋八九間。榆柳蔭後簷。桃李羅堂前。曖曖遠
人村。依依墟里煙。狗吠深巷中。雞鳴桑樹顛。戶庭無塵
雜。虛室有餘閑。久在樊籠裏。復得返自然。

野外罕人事。窮巷寡輪鞅。白日掩荆扉。虛室絕塵想。時
復墟曲中。披草共來往。相見無雜言。但道桑麻長。桑麻
日已長。我土日已廣。常恐霜霰至。零落同草莽。

種豆南山下。草盛豆苗稀。晨興理荒穢。帶月荷鋤歸。道
狹草木長。夕露沾我衣。沾不足惜。但使願無違。

久去山澤遊。浪莽林野娛。試携子姪輩。披榛步荒墟。徘徊

徊邱壟間。依依昔人居。井竈有遺處。桑竹殘朽株。借問
采薪者。此人皆焉如。薪者向我言。死後無復餘。一世異
朝市。此語真不虛。人生似幻化。終當歸空無。

悵恨獨策還。崎嶇歷榛曲。山澗清且淺。遇以濯我足。漉
我新熟酒。隻雞招近局。日入室中闇。荆薪代明燭。懼來
苦夕短。已復至天旭。儲王極力擬之。然終似微
隔厚處。朴處不能到也。

與殷晉安別

殷先作晉安南府長史掾。因居潯陽。後作太尉

參軍。移家東下。作此以贈。

遊好非久長。一遇盡殷勤。信宿酬清話。益復知爲親。去
歲家南里。薄作少時鄰。負杖肆遊從。淹留忘宵晨。語默
自殊勢。亦知當乖分。未謂事已及。興言在茲春。飄飄西
來風。悠悠東去雲。山川千里外。言笑難爲因。才華不隱
世。江湖多賤貧。脫有經過便。念來存故人。參軍已爲宋
臣矣。題仍以
前朝宦名之題目。便不苟且。○才華不隱世。何等
周旋所云。故者無失其爲故也。卽此見古人忠厚。

古詩源卷八終